

02/453-1030-02/25

12 08 25



REPUBLIKA E KOSOVËS - ZYRA E PRESIDENTES
REPUBLIC OF KOSOVO - OFFICE OF THE PRESIDENT
REPUBLIKA KOSOVO - KANCELARIJA PREDSIEDNICE

Zyra e Presidentes së Republikës së Kosovës në pajtim me Rregulloren MF - Nr. 04/2017 mbi kriteret, standardet dhe procedurat e financimit publik të OJQ-ve (13 qershor 2017) dhe Udhëzimit Administrativ (SZP) Nr. 04/2021 për Ndarjen e Subvencioneve në Presidencë (26 gusht 2021), hap:

Prishtinë, 12.08.2025

**THIRRJE PUBLIKE PËR OFRIMIN E MBËSHTETJES FINANCIARE PËR
FINANCIMIN E PROJEKTEVE/PROGRAMEVE PËR PERSONA FIZIK DHE OJQ**

Kjo thirrje publike bëhet me qëllim të mbështetjes financiare të projekteve apo programeve të propozuara nga personat fizik dhe OJQ-të, e të cilat janë të fokusuara në fushat si në vijim:

- Mbrojtja e të drejtave të njeriut dhe shëndetit të grave;
- Çështje gjinore dhe integrim socio-ekonomik;
- Sporti dhe kultura;
- Shëndeti mendor;
- Çështje që konsiderohen me interes për përfaqësim shtetëror;

Për t'u kualifikuar për mbështetje financiare publike, aplikuesit duhet të plotësojnë kriteret e përgjithshme minimale, si në vijim:

- objektivat e projektit/programit të jenë të përcaktuara në mënyrë të qartë dhe realisht të arritshme;
- aktivitetet e projektit/programit të jenë të qarta, të arsyeshme, të kuptueshme dhe të zbatueshme;
- kostot e projektit/programit të jenë reale në lidhje me rezultatet specifike dhe kohëzgjatjen e pritshme të projektit.
-

Personat fizik dhe OJQ-të, mund të aplikojnë me më së shumti një (1) projekt në kuadër të kësaj thirrje publike.

Të drejtë aplikimi me projektet/programet e tyre kanë personat fizik dhe OJQ-të që:

- Dëshmojnë se projekti/programi i tyre është i fokusuar në njërin nga fushat e kësaj Thirrje Publike;
- Që nuk kanë qenë përfutues të mbështetjes financiare gjatë vitit 2025;

- Që i kanë përmbyllur në kohë dhe komforë kontratës raportimin e tyre për realizimin e projekteve/programeve mbi bazë të të cilave kanë pranuar mbështetje financiare nga Zyra e Presidentes;

Personat fizik dhe OJQ-të obligohen që t'i kryejnë transaksionet financiare për realizimin e projektit për të cilin kanë përfituar mbështetjen financiare nga Zyra e Presidentes në mënyrë transparente sipas legjislacionit në fuqi, në përputhje me rregullat e kontabilitetit, si dhe të përmbushin detyrimet kontraktuale të krijuara deri në përfundim të programit/projektit të paraqitura edhe në kontratë.

Kërkesat dhe propozimet do të dorëzohen vetëm në formularin e aplikimit, i cili është në dispozicion në ueb-faqen e Presidencës: <https://president-ksgov.net/sq/shpallje>

- Dokumentet duhet të dorëzohen fizikisht.
- Dokumentet e kompletuara nuk do të pranohen përmes postës elektronike.
- Dokumentet e kompletuara duhet të dërgohen personalisht ose me postë, në adresën e mëposhtme:

***Zyra e Presidentes së Republikës së Kosovës
Sheshi Nëna Terezë, Ndërtesa e Kuvendit të Kosovës, Zyra e Arkivit, Nr. N 319,
10000, Prishtinë, Republika e Kosovës***

Aplikimi i personave fizik dhe OJQ-ve, do të konsiderohet i plotë nëse e ka të plotësuar të gjithë dokumentacionin përkatës siç kërkohet në thirrje publike, si në vijim:

- Formularin e plotësuar të aplikimit, ku përfshihet pjesa narrative dhe financiare e kërkesës;
- Kopjen e dokumentit të regjistrimit në organin kompetent, për OJQ-të;
- Kopjen e dokumentit të vlefshëm identifikues, në rast të aplikimit nga personi fizik;
- Kopjen e dokumentit identifikues të personit të autorizuar që përfaqëson OJQ-në;
- Certifikatën valide të numrit fiskal - (dëshmia e validitetit përmes vërtetimit tatimor);
- Vërtetimin e llogarisë bankare aktive.

Shuma totale e alokuar për këtë thirrje publike është 100,000.00 (njëqind mijë EURO).

Shuma minimale e mbështetjes financiare që mund të ndahet për çdo projekt individual është 1000.00 euro, ndërsa shuma maksimale për një projekt është 5.000.00 euro. Në raste shumë të veçanta për projekte të caktuara, Komisioni i Vlerësimit mund të konsiderojë tejkalimin e shumës maksimale të parashikuar në këtë thirrje publike bazuar në kritere dhe arsyeshmëri specifike të projekt-propozimit.

Procesi i pranimit të aplikacioneve, hapjes dhe shqyrtimit të aplikacioneve, vlerësimit të aplikacioneve, kontraktimi, dhënia e subvencionit, koha dhe mënyra e paraqitjes së ankesave, si dhe monitorimi i realizimit të projekteve, do të bëhen sipas Rregullores MF - Nr. 04/2017 mbi kriteret, standardet dhe procedurat e financimit publik të OJQ-ve dhe Udhëzimit Administrativ (SZP) Nr. 04/2021 për Ndarjen e Subvencioneve në Presidencë.

Vetëm projektet që janë pranuar brenda afatit të paraparë me këtë thirrje publike dhe që i përmbushin në tërësi kushtet e përcaktuara të thirrjes publike do të shqyrtohen për mbështetje financiare.

Afati i fundit për dorëzimin e propozimeve është 15 ditë pune nga dita e publikimit dhe përfundon më 27.08.2025.

Për çdo paqartësi lidhur me thirrjen publike mund të jepen sqarime vetëm në mënyrë elektronike, duke dërguar e-mail në adresën: subvencione.zprk@president-ksgov.net, **deri më datën 18.08.2025.**